

## Transkription von Urkunde HAL 1339b

Ort, Datierung: Halle, 1339-05-15

Signatur: Stadtarchiv Halle, II, Urk., 28 U 1 Nr. 28 [\[online\]](#)

Inhalt: Klosterkirche St. Maria: Klostererrichtung

---

Wie Johans pr(ovi)ncial , Ludolf priol , vn(de) die Co(n)uent ghe meine / der marien brude(re) vor  
deme ghalch dore d(er) stat tũ Halle , beken/nen . ope(n)licken , an disseme ieghenw(er)digen briue ,  
dat wie mit der stat / ge dedinget hebben , dat sie scollen kopen eine m(a)rc gheldens gudes / die in  
orer stat ge leggen si die scholle wie vn(de) vnse vorgna(n)te co(n)ue(n)t / ghelden mit vnsen  
penni(n)ghen , vor dat schot dat sie plagen tũ nemene / von der stede die Hagedornes was , dar nũ vnse  
closter vp ge bũwet / werden schal vn(de) tũ bũwene is be ghunt , Vnde die wyle wie der marc /  
gheldes der stat nicht krige(n) noch ir werue(n) so scholle wie alle iar , der / stat eine m(a)rc tũ schote  
gheue(n) , Vp ein openbar orkunde disser dinghe / so hebbe wie Johans p(ro)ui(n)cial , vn(de) wie ,  
Rudolf p(ri)or vnse inghesegele andissen / brif ge hange(n) , na goddis gebort Dusent iar dru(n)dert  
iar in deme neghe(n)/vndritteghesten iare , in deme heren pinghest auende /